















ADVERTISSEMENT

397

AV ROY,

POVR COGNOISTRE

la verité de ceux qui sont cause des
troubles de son Royaume.

*Laudans innuocabo Dominum, & ab inimicis
meis saluus ero. Psal. 17*

*Erubescant & conturbentur in seculum seculi,
& confundantur & pereant. Psal. 82.*

*Tu procul hinc absis, Themidem qui vendere
cura est,
Et pretium plena grande referre manu.*

M. DC. XXI.

THE NEWBERRY
LIBRARY

ADVERTISSEMENT AV

Case
F
39
1621 ad
326
Roy, pour cognoistre la verité de ceux
qui sont cause des troubles de son
Royaume.

Ceux qui voyagent és enuiron du mont Atlas
sont estonnez d'ouyr de nuict vn grand bruiet
& tintamarre de Pans, Égippans, Faunes, Satyres,
& autres tels fantosmes, lesquels de prim' abord
on croiroit auoir d'autant plus de puissance de
nuire, que de loing le nombre en semble grand,
& la terreur extrême. Neantmoins si tost que le
Soleil releué sur l'Ocean commence à dissiper les
tenebres, & rendre au monde sa luisante couleur:
alors toutes ces illusiōs s'éuanoüissent, toutes ces
clameurs se dissipent, & ne sent on plus qu'un
profond silence, ne voit-on plus qu'une pure so-
litude.

Fæmineæ Vocēs, & mota insania Vino,

Obscænique greges, & inania tympana cessant.

Aussi tous les esprits, qui parmy l'obscurité des
calomnieuses accusations, dont s'agit à present,
ont entendu la perfidie que quelques Agents de
Castille ont exercé depuis plusieurs années à l'en-
contre de ceux de la Religion peuuent facilement
cognoistre (s'ils ne sont preoccupez de passion, ou
s'ils n'ont leurs desseins faicts de mesmes mar-
teaux, & battus sur mesmes enclumes que ceux
de leurs boute-feux) le grand nombre de cōscien-
ces, qui trop legeremēt se sont laissees attirer à la
legereté, & laisser mener par le nez, cōme l'Ours

& l'Elephant par le muffle, ausquels on a soufflé
aux oreilles vn Dieu, vne Verité, vn Roy, vne Egli-
se, & que les Huguenots sont la cause principale
de tous les troubles qui s'esmouuent en France,
& ce pour esveiller nos confusions, & enfanter de
nouueau la Discorde, que n'aguères nous auons
veuë, courir les armes & le feu en main sur toute
l'estenduë de ce Royaume, & tous pretexte de la
ruine des Huguenots, auancer la ruine de la pieté
& de la Monarchie: poussez à cela, non tât à cause
que ceux de la Religion donnent sur les ongles de
la beste Apocalyptique, que pour ce qu'ils dissipēt
les dangereuses vapeurs que Madril enuoye sur
nostre France, pour obscurcir & offusquer l'o-
beissance & le respect des François vers leur Roy,
ouurir le pas à nos confusions, pousser la rouë à
nostre cheutte, & imprimer sur le corps de cēt
Estat les inhumanitez & fureurs brutalles de
leur ame: & à cause que nous nous portons à
corps & à cry contre telles menées, ils impriment
dans vn nombre infini de cœurs foibles, que la
France allaicte, milles artifices & mensonges vai-
nement inuentez pour nostre oppression. Mais
quel moyen ya-il de leuer ces sinistres impressiōs?
auëc quelle eau d'innocēce pouuons-nous estein-
dre vn feu si vehement? & par quel Belier de Iu-
stice repousser & destruire telles accusations? rels
Faunes & Satyres, toutes-fois, seront dissipiez
quand la lumiere de Verité, la plus belle des cho-
ses de l'Vniuers, selon que l'escriuit vn Roy d'Æ-
thiopie à celuy d'Ægypte, viendra à esclatter sur
le puage de si faux improperes: ce sera vn reuers
agreable, & plausible antistrophe, quand nous les
apperceurons creuer d'eux-mesmes, & verrons

ceste bourasque s'enfuyr, s'esuanoüir & disparoit-
stre à telle perte de veüe qu'elle ne laissera apres
soy ny ombre, ny fumée, ny trace, ny vestige. *Ec-
quando vidistis flammam spontè exortam? claro crepitu?
largo fulgore? cito incremento? sed enim materia leui ca-
duco incendio, nullis reliquis.*

Ou plustost les reliques & playes si cuisantes
demeureront d'autant plus profondement em-
praintes au cœur de ceux de la Religion, que selon
le dire de Darius dans Herodote, il y a des actes
dont l'atrocité laisse beaucoup au dessous de soy
la langue & la plume, tant disertes soyent-elles,
qui tatchent à l'exprimer: Ainsi la fabrique de si
abominables desseins, qu'ont tels pensionnaires
d'Espagne, surpassant toute creance humaine,
oste preique le moyen à ceux de la Religion de
l'exagerer selon son demerite.

Quàm miser est qui fert asperiora fide!

Mais est il point à croire que les esprits curieux
suppléans à ce defaut, & s'esleuans par dessus tout
ce qui est del'imagination de cas si tragiques, &
desseins si abominables, prendront à gré d'en re-
chercher & approfondir la source & progrez, de-
puis la Protase d'iceux, iusqu'à leur atastrophe?
(laquelle sera en peu de temps, la Majesté diuine
ne permettant que de si abominables forfaitcs
soient si long-temps cachez aux yeux de plusieurs
milliõs d'hommes) & se priuerõt de sçauoir com-
ment de si execrables desseins seront entrez en la
reste de ces Peres à trois cornes, quel mauuais Ge-
nie leur en a peu faire l'immission? quelle furie
infernale, bailler l'inuention? & quelle gesne de
consciencs les a fait veni au comble de si funes-
tes entreprises & executions? à quel but ils ont

401
ils ont rendu? quelle issue ils en auront preueu? & suivant l'apophthegme de Cassian, quel bien ou profit ils en ont esperé, comme d'ordinaire tels actes horribles *solent suscepi cum periculo, peragi cum premio.*

Ces bons Peres font mine de mettre l'honneur de la France en son Apogée, & de se monstrier soigneux de sa paix, comme vn tuteur de son pupile, ne respirer que son repos & l'auant aller de ses affaires: & cependant d'une main enragée secoüent sa reputation, descoufent & deschirent les forces, & sous couleur du regret des calamitez presentes, distilent dans les ames susceptibles de toutes mauuaises impressions vn desir & affection de contrir sur les Huguenots, & engendrer vne guerre ciuile.

Guerre ciuile! & pourquoy si en ces embrasemens publics chacun se tient au tison & au flambeau, & se laisse emporter au depot & à la colere, comme à de mauuais vents? si tout y va à l'enuers & à reculons? si l'insolence tient le haut sur le deuoir? si le commandement & l'obeyssance n'y doiuent par ordre & par mesure? si nuls mords, nulles brides pour le peuple, qui ne veut receuoir Loy que de sa bouche? si coups fourez, & rien à donner sans retour? si le sang mesme des Princes est hors d'espargne, & leurs estomachs à mesure des espées de leurs subjects? si nul abry pour l'innocence? nul retranchement pour la iustice? nuls yeux à sec? nulle triomphe sans robbe noire? bref si toutes victoires y sont cadmeantes? Et pourquoy ces bons Peres Iesuites preschent-ils la guerre ciuile, sinon qu'ils esperent qu'en la Catastrophe de mille tragedies, & toutes funestes, creuasser & entr'ouuir la France aux desseins de l'Espagnol, faire planche & chemin ouuert à son ambition?

Voyez Rome choquée de l'ire & du courroux du

Ciel, à l'abandon de ses passions, & qui ne tient rien en espargne chez soy contre soy-mesme : voyez là deschirée de factiōs ciuiles, toute ouuerte de playes, toute hydense de sang : Et toy France, veux-tu estre veuë seconde Rome en desolation ? vn cemetiere affreux & plein d'horreur ? vne maison desolée de veſues ? vn Hospital de pauures orphelins ? vn Echo de plainctes & de gemissemens ? O sage le Prince, dit la Sageſſe ancienne, qui donne le fil à son espée, & la tient comme de poincte, & de tranchant contre les fureurs ciuiles de son Estat, pour en couper la racine, le tronc, & les branches !

O Iesuittes, Ianus à double viſage, Amazones à double cœur, & vous François hispagnolisez, qui auez le cœur dans Madril, & la langue dans Paris, ames à tout pris, & à toutes couleurs, semblables à l'eau d'un certain lac de Lucanie, tantost douce, tantost salée, ames venales, ames desbauchées, ou prostituées vous vostre fidelité qu'à l'encan de vos plus cruels ennemis, ainsi doncques voulez-vous auancer vostre fortune sur la decadēce de la France ? contraires aux Academiques, qui preſeroient les choses honnestes aux vtils, auez vous plus tendu à croistre les biens de vos maisons que la gloire de vostre integrité ? & quoy Peres Iesuittes, ne vous souuient-il point de ce dire de Cyrille, *que Iupiter foudroiera Esculapins pour les gains sordides & des-honestes ?*

Et vous nostre Alexandre, qui en la douce ſeuerité, & en la ſeuere douceur de vostre viſage nous representez le bouclier d'Alcibiades, où l'image d'Amour tenoit vn foudre en la main, ne voulez-vous point chasser de vostre cabinet ces pensionnaires d'Espagne, qui à chaque moment, par leurs pestilentieux conſeils, portent, la torche à la main, le feu aux qua-

tre coings de vostre Royaume, en preschant publi- 403
quement qu'il faut faire la guerre à vos subjects de la
Religion, vos plus fideles seruiteurs, le plus pur du sãg
de vostre Royaume, sans lequel l'Espagnol feroit à
vos yeux vne Afrique couuerte de serpens de vostre
France. Quel scandale plus grand, que lors qu'apres
tant & tant de gracieux coups de la misericorde d'un
Roy, on ne voit iamais venir la Iustice à tour de rool-
le, le vice flatté, n'est-ce pas vn cheual sans bride, &
qui pardonne les meschans, n'offence-il pas les bons,
disoit Publius Minus? Nous ne faisons plus qu'ar-
têdre, grand Roy, vn iuste secours de vostre clemen-
ce, apres auoir enduré sedition sur sedition, tumulte
sur tumulte, nous sommes proches de l'heure que le
peuple, cét inconstant Prothée se souleuera contre
nous au premier vent de ses passions: toutes fois le
Ciel se sentira blessé des playes de ses oingts, sa fu-
reur sera ardente, ses leures remplies d'indignation,
& sa langue comme vn feu deuorant, il dardera ses
foudres sur tels pestilents Conseillers, & les vannera
au vent de vanité: glaiues se presenteront pour les
occire, chiens pour les trainer, & les oyseaux de l'air,
& les bestes de la terre pour les deuorer; voila la dou-
ce mort, les obseques, & les beaux monuments que
Jeremie leur promet.

Ces Peres, fardez d'hypocrisie, disent que les mas-
sacres qu'ils preschent sont pour l'édification de l'E-
glise du Seigneur: & quel edifice, si on démolit? &
quelle instruction, si on destruit? vn corps malade
ne vaut-il pas mieux qu'un mort? doit-on faire vne
boucherie de la Religion? feu, sang, gibet, bourreau,
& quels termes, sinon qu'anomaux & irreguliers en
fait de Religion? Dieu, le Dieu souverain des ames,
ne se contente-il pas de dire *saul, saul, pourquoy me*

44 *persecutes-tu?* Jamais l'Eglise eut-elle tache de cruauté, mais plustost la persecution n'est-elle pas sa legitime en ce monde? les afflictions son passage, & la couronne de martyr son triomphe? la Foy est vn don de Dieu, & toy homme, veux-tu faire le Dieu sur l'homme? donner ce que tu as receu par grace, & t'attribuer la propriété où tu n'es que depositaire? Que si Dieu le Createur par sa parole ne plante & ne faict fleurir la Foy sur nos ames, comment pourriont ces Peres Bazanets l'y greffer, & donner pied avec le bras de la chair?

Ils preschét chaque iour à l'oreille de nostre Roy, qu'il faudroit bien mieux sous les esclans d'un genereux desir, animé de viues passions, comme d'aiguillons & de poinctes aiguës estre poussé au deuoir, & à vne iuste vengeance contre les Huguenots, qui sous les flatteurs blandices du repos, sous les forciers amadouemens, & sous les charmes d'une paix traistresse, dōner libre repeuë à ses appetits, & comme Neocles l'Epicurien, n'auoir autre ambition que de tenir son ventre à l'engrais, & au choix de ses plaisirs. Rien ne sert d'auoir biē cōmencé si on ne perseuere, rien ne sert d'auoir mis des Garnisons dans Bearn, si on n'en met dās les villes où les Huguenots sont les maistres. Luculle, Luculle, disent-ils, tu perdis plus d'honneur en vn iour de tes delices, que tu n'en gagnas en toute la longue course de tes travaux. Chose estrange! les serpents de Syrie ne picquent point les Syriës, pour le respect qu'ils portent à ceux de leur pays: ou si fortuitement ils mordent celui, qui par inaduertance, marche dessus eux, la playe est sans danger, & ne fait aucun mal. Icy ces bons Peres, plus pestilents que toute ceste couuée serpentine, sans auoir esgard à honneur du pais, ny au droit d'amitié, poussent im
pudemment

audamment de leur poitrine le poison par lequel ils⁴⁰⁵
veulent faire mourir leurs compatriotes. Serpens para-
ricides, où laissez vous le venim de vostre moriure vipe-
rine, que dans le sein de vostre mere, où courez-vous
cheuaux eschappez que sur le roc Tarpeian de vostre
ruyne? où aiguisez vous le tranchant du rasoir, que sur
vostestes? où portez-vous le desordre & la confusion
que dans vos familles? ou la pointe de vos espees que
sur vos estomachs? ou vostre gloire que sur le repentir?
ou vos victoires que sur vostre pèite? & ou vos trophées
que sur vos cendres?

Ces hypocrites, pour monstrier qu'ils ne sont pas seuls
qui desirant la ruine des Huguenots, presentent la po-
pulace aux Magistrats, apres l'auoir imbuë du venim de
guerre ciuile, disans qu'elle gemit sous l'oppression de
la liberté en plusieurs villes de ce Royaume, afin que
plus facilement ils puissent prendre la beste, laquelle il y
a si long temps qu'ils chassent: Hé bien bons Peres, ceste
populace doit-elle estre entendue pour deposer contre
nous: ne scauez-vous pas que c'est vne beste empen-
née: avec cent bouches, & cent gosiers ouuerts: n'avez
vous point encore leule douzième des Metamorpho-
ses d'Ouide, ie vous veux rapporter icy la figure de son
Palais, & les naïfues proprietiez que le Poëte luy
donne.

*Orbe locus medio est, inter terrasque, fretumque,
Cælestesque plagas, triplicis conflum a mundi,
Vnde quod est vsquam, quamuis regionibus absit
Inspicitur: penetraque cauas vox omnis ad aures.*

Là est le sejour de ceste Deesse babillarde, & voicy ses
compagnes.

Illic credulitas, illic temerarius error.

Dans Ausonne, elle dit d'elle. mesme

Aëris & lingua sum filia, mater inanis

Iudicij: vocem qua sine mente gero.

B

726 DONT, ce n'est point austantion que par le consente-
ment vniuersel des Sages, les fourbes & impostures de
ceste Fee mensongere, ont esté dechassées des cours Fo-
renses, des Auditoires & Chambres de Iustice: Et que
les Legislateurs, Princes & Iuriconsultes ont si estroit-
temēt deffendu non seulement de ne condāner person-
ne sur l'accusation populaire: mais mesme quand elle
seroit condamnée, & nel executer, la Loy *De curionum* y
est formelle *C. de pœnis*: ou la glosse le met à taxer Pilate
de s'estre laissé emporter à faire mourir le chef des In-
nocens, sur la crierie d'une sorte populace.

Aussi Eusebe au quatriesme Liure de l'Histoire Eccle-
siastique, Chapitre 9. nous enseigne que l'Empereur
Adrian deffendit à ses Iuges de ne punir les Chrestiens
à la clameur du peuple. Autant depuis en ordonna
l'Empereur Antonin. Et Apulée, quoy que non digne
d'estre mis en ce nombre, tesmoigne de luy-mesme, que
comme la populace se fut esmeue contre luy, & le de-
mandant au supplice, prist ja des pierres pour le lapider,
voires que le Magistrat Pontian interpretoit ce cōmun
consentement de la publique voix pour diuin: neant-
moins d'un esprit rassis & bien composé *ne res pessimo
exemplo cederet, populum cōpescuit & Voluit de reo more Majorum
cog. resci.* A quoy ce grād bruiet, dirōt ces faux Docteurs?
A ce qu'ils sçachent que c'est pour estourdir le leur trop
leger & trop foible, par un plus fort & plus puissant.

Lycurge autres-fois s'estant amī sē à regarder les jeux
Olympiques, ouyt vne voix, celuy sembloit, qui l'ad-
monestoit de faire assister à iceux les Citoyens de Sparte.
Et comme il se fust retourné pour voir que c'estoit qui
parloit à luy, ne vit personne. Est-ce pas icy un fantosme
semblable? A-on iamais entendu aucun bruiet que
ceux de la Religion ayent fait le moindre tort aux Pa-
pistes en la Rochelle, ou és autres villes, esquelles ils sōt
plus forts, que depuis que ces conspirateurs y ont se-

mé leurs fourbes & impostures ;

Chose estrange ! qu'il faille que ces faux Docteurs, nos ennemis capitaux soient nos Iuges & nos parties ! veu que telles gens, comblez d'infamie, deuroient estre regrettez d'un acte auquel nul ne doit estre admis qu'avec le front entier ! que si vn Cheualier Romain voyant que l'Empereur Claudius recevoit contre luy vne garce en resmoignage, fut si transporté de colere, au rapport de Suetone, qu'en plein Senat il fit vne huée contre cét Empereur, & luy jetta escritoire & papiers à la teste : hé ! que devons nous faire contre ces Peres à trois cornes.

Ces pestes nous font paroistre deuant nostre Roy rebelles à ses commandemens, à cause que nous les empeschons de faire iouer les ressorts de leurs pernicieux desseins, desquels s'ils estoient venus à bout, on entendroit en peu de temps leurs trôpettes aux quatre coings de nostre France louer ces vers.

Ite triumphales circum mea tempora lauri,

Incidit in casses prada petita meos.

Chartiers en l'equipage de l'ambition d'Espagne, qui n'avez que trop bien appris la leçon de l'Empereur Vitellus, qui est, *Que le corps de l'ennemy sent bon, mais celui du Citoyen encore meilleur.* Nature, hé ! pourquoy nous as-tu donné des membres pour se demembrer ? pourquoy deux yeux afin que l'un creue l'autre ? deux mains, pour que la droite coupe la gauche ? & ce afin que facilement le Citoyen & l'estranger mettent tout en rumeur, en brouillis, en tintamarre, comme sous la confession de l'ancien Chaos. Nos patriottes, nos concitoyens perdus seront nous contraincts de recourir à l'Espagnol, cōme le deuin d'Arcadie en Herodote, qui fut contrainct de se faire vn pied de bois apres auoir perdu le sien naturel.

O fatale Discorde, puis qu'elle tourne les Elephans en cirons ! Discorde, qui sous les discordes d'une confuse Anarchie, rend l'honneur du Souuerain flestry, & à

12
408
teste baiffée, & son autorité foulée aux pieds, met toutes passions au dessus des Loix, & en fin rend tout comme le bassin d'une balance, qui fait le contraire de son compagnon, Discorde, funeste Discorde, puis qu'elle met à haillons & à lambeaux les Estats: puis qu'il ne faut que le mariage d'une heritiere, pour allumer un feu de sedition parmy les Ardeates! mettre sans dessus dessous les Republiques de Delphes & de Florence: Et puis qu'elle apporte une tragique fin à Xerxes, pour les trahisons que son fils Ochus ourdissoit contre ses freres.

France, qui fuyât les amorces de l'Espagnol, comme Hippolite les impudiques regards de Phædra, peut en la chasteté de son ame tenir sa reputation en fleur, & ses forces en vert: Quoy! qu'elle vueille marchander sa ruine à escient, trafiquer sur ses propres calamités, & estre à iamais, un theatre ou la felonnie & la rebellion combattent le deuoir & fidelité: qui la lavera de c'este tache, & qui la sauvera du reproche de trahison? crayon assez noir, & quel crayon pour la marquer en nos Ephemerides? felonnie, & quite peut mettre au couvert de la iustice, quite rende innocente, ny te presenter en robe blanche, comme on voyoit iadis l'Image de la Verité au temple d'Amphiaraus? herisser doncques contre son Maistre, lever les bras contre son Roy, semer l'yuroye de diuision en son Estar, & luy donner tousiours à couper la teste de l'Hydre, n'est-ce pas enfiller crime avec crime, & en un seul homme offenser le Ciel & la terre? Qu'elle condamnation doncques assez grieve peut estre donnée à ces François à reins rompus Auteurs de tels desastres? qu'elle ignominie assez hydeuse? & quels supplices assez atroces pourront suffire à expirer un forfait si enorme? *Et facinus hoc maioris Abolla?* qu'elle reparation sen trouuera cōdigne? qu'elle

satisfaction esgalle les Loix y ont-elles songé? le droit s'en est aduité? les Dithyteres anciennes auroient-elles moyen d'en fournir quelque espece?

Vrais Sarrazins qui recherchez la mort de nostre Roy legitime pour establir l'autorité d'un usurpateur, & qui taschez de chasser ignominieusement Antigonet, pour mettre Herodes au Siege Royal. O pleust à Dieu que nostre Roy peust dire les paroles qu'Aurelian l'Empereur tint à ses Courtisans, à sçauoir, *qu'il ne scauroit déposer sa vie & son salut en la foy de celuy qui trahit sa patrie*, & aussi-tost que ces paroles furent esuanouies en sa bouche, fit mener au supplice Heraclamon: En peu de temps ces Peres Iesuites joléroient les personnages de Marcus Flaccus, & Lucius Saturnius, qui pensans mettre la fortune de Rome à l'enuers, renuerferent leur honneur, & leur fortune, leurs vies seroient mortellement & pour iamais flestries, comme dignes des fourches qu'ils auroient, & de celles qu'ils n'auroient point.

Vrais Memnons qui inspirez de l'object de vos pernïcieux desseins, ne prenez haleine, & ne respirez que par le poulmon de l'Espagnol, ha! que vous sçavez doctement abboyer & mordre l'honneur des gens de bien, comme ce Poëte Theon qui manioit sa langue à tors & à trauers: hé! que vous estes fideles despendiciers des artifices d'Espagne, qui ne tendent qu'à allumer vne guerre ciuile, en declarant ceux de la Religion criminels de leze Majesté. Vous tous qui estes aux oreilles de nostre Roy, & duquel les effects dependent de vos conseils, prenez garde de bailler consentement à la guerre, que vous n'ayez auparauant bien considéré les accidens qui en peuuent aduenir, & l'animosité la quelle nos accusateurs nous portent: La trop legere credulité est condamnée en droit, & la trop grande precipitation en vn Iuge est ce qui luy fait auorter iniustice: pour ceste cause Rabi Hilel souloit conseiller de n'entreprendre aucun iugement, sans au prealable voir, toucher, & cognoistre. Et n'y a eu jamais Royaume, ny Republique bien policee, en laquelle la trop subite procedure des Iuges n'ait esté censée digne de blâme. Les Atheniens, sur tous les autres peuples sont taxez d'auoir souvent donné des iugemens criminels à la chaude, & depuis s'en estre repentis à loisir: Escoutez ceste plainte de Thesee dans le Poëte tragique.

————— Eheu! dum salum scelus

Exequor vindex: scelestus in eidi in verum scelus.

Pour à quoy obuier en la Cité Romaine, Glaucia premier fit vn decret conuenable à la grauité du lieu, *Que le coupable fust toujours différé*. Car la remise & surceance arreste souuent le cours des impetuosités esmeuës par trop de rage, & dont les effects autre-

ment pourroient estre funestes, s'il n'y estoit apporté del'obstacle.

Furit undique clamor

Dissonus, ambiguumque senis cunctatur Adraști

Consilium tandem ipse refert, compescere litem.

Pour estre accusez sommes-nous coupables? qui des plus innocēs du monde en a peu estre exempt. Escoutez le dire de saint Hierosime, *Fieri non potest ut absque morfu hominum, vita huius eorum icula quis transeat: sed tandem ut ignis stipularum, rumor ille euanesceat*. Et vn iour Cephalus disoit à Demosthene que c'estoit vn grand heur de n'estre onc accusé: plus d'heur que de science (repartit-il) puis que tant d'insignes personnages n'ont peu eüiter cete esclandre:

L'Escripture Sainte au second Liure des Rois chapitre 8. nous tesmoigne que David ayant subjugué les Moabites, leur tendit deux cordeaux de distribution, l'vn pour occire, l'autre pour viuer: Ce sont ces deux mesmes, qui d vn visage diuers, doiuent estre employez au iugement de ceste cause: le premier, pour estouffer la calomnie de ces Peres Iesuites, qui nous accusent de desobeissance enuers nostre Roy: l'autre pour viuifier nostre innocence. Nous mettons tous les deux entre les mains du Conseil du Roy, qui comme intendant de la vindicte publique, & du salut commun sçaura y apporter tel remede, que sur l'vn & l'autre de ces deux extremitez l'aage present sera expié de telle forfaiture, & contenté par la reparation d'icelle, afin que la memoire & exemple en puisse durer à perpetuité.

Que si la guerre est concludē, ayant adjousté foy au conseil du Pere Ernoux, lequel rotie à tour de bras le thyrs de ses furieuses passions au simple regard de ceux de la Religion, & affublant son ambition des couuertes de Religion, veut grossir le courage de la populace, & la mettre en appetit d'aualer les courtelas & les halbardes pour vser de remedes plus cruels que le mal: Hé! qu'esperez-vous faire, voulez-vous à force de coups forcer nos ames, imbuës de la parole de Dieu? quels coups pouuez-vous donner contre le corps, si les courages sont plus forts que les tourmens, & les constances plus grandes que les cruantez? & quels coups, si nous fleurissons sur les afflictions, & rebourjonnons dans les martyres? l'Empire de la fortune, ny les menaces des Loix, ne passent point plus auant que la mort: Et si nous ne craignons la mort, quel cas ferons-nous des injures & des menaces des homes, qui ne sont que les mains de la fortune, & les instrumēt des Loix?

Quoy! nous laisserons nous ietter comme en vn ariere fond & abyime Tytanique ou il ny ait communication quelconque avec les Dieux: non, non, nous sommes vrayz François, nous sçauons

411
courberons jamais nos espées en faucilles, ny nostre valeur ne
cedera jamais à la lâcheté. Helas ie scay & a mon grand regret
que ce siecle n'est que trop fertile en hommes, qui suivent le
cours des affaires, qui leur creance à leur utilité, qui elargissent
leurs consciences & les mesurent à ce pied des Stoiciens, ce qui
est vtile est honneste.

Eglise & seras tu plus Eglise pour auoir des girouettes, des
pourceaux, epicures, des Tantalés, des Phaëtons? Dus, sus, Abrons
il n'est plus temps de vous droloter, le temps ne permet pas
que vous vous baignées dans les del ces du repos. ou si vous le
faictes vous ne scaués comment il faut acquerir vne paix d'arrain,
ferme, solide, telle que les Priuernates demandoient aux Ro-
mans, vous ignorés que la guerre n'est que la veille d'une feste,
vn samedi qui se termine au dimanche, & en iour de repos, vn
parfun pour nous faire reuer la gourme de nos fureurs ciuiles. &
quoy vn mal ne se guerit il point par le mal, quelquefois la crapu-
le, l'ebriété, & l'intemperance ne sont elles pas necessaires &
plus vtils à vne nature endormie que la casse, ny la Rheubarbe
les vents, les tourbillons, les tonnerres, les tempestes ne purifient
elles point l'air, ne refueillent elles pas la force, la vigueur, & la
viuacité des élemens, tout ainsi que la luitte, & la course excitent
& viennent en bon point à la chaceur, & la disposition naturelle
guene guerre, ouy guerre contre ces François desguisés, veu que
seule elle peut dissiper les brouillards, eclaircir & purifier l'air
trouble de la France, comme on dit que la riuiere de Cygnus &
non autre nettoye le costeau sacré a Apollon en la Ville de Tarse
en Cillice.

Et vous inuincible Alexandre, Prince affrachy de toutes pas-
sions, & qui au dela des Saintes Autels ne promettes ny pas, ny
desmarche a personne, ne voulés vous point ietter ces calomnia-
teurs, auteurs de telles dissentions hors de vostre conseil lesquels
ne taschent qu'a afoiblir vostre Royaume par le poison des diui-
sions, & l'enterer sous la masse de nos fureurs ciuiles?

L'Empereur Valent auoit deux Ourfes aux deux costés de son
Throsne: l'une appellée la miette d'or, qui estoit la calomnie: l'autre
estoit innocence. Son Barbare naturel luy faisoit retenir la pre-
miere pres de soy, tant il auoit soif du sang humain, tant c'este cu-
réluy estoit agreable: l'autre il la laissoit ensuir au desert.

————— *Vbi lustrataeque ferarum.*

A deux genoux prosternez deuant vostre Majesté nous vous
supplions que le semblable ne se pratique icy, autre chose attent-
on de vostre clemence, vous scauez que tous les bons François

418
chastiez ceste Ourle; Sire, exterminiez, ceste miette dorée, restrai-
gnez, punissez, suffoquez rudement ceste, sanglante & fiere ca-
lomie, afin que Dieu qui preside à la Iustice soit autant glorifié
en ses merueilles que la meschanceté de ces calomniateurs, abo-
minée & haye d'un chacun, que leur memoire en demeure en l'e-
ternelle infamie des siecles à venir.

Atque infra gerant veteris vestigia culpa.

Mais quand à l'autre Ourle appelée innocence, frottée de miel
à la bouche, afin qu'elle deuore les Guespes, qui taschent à la pic-
quer, retenez-là pres de vostre Throsne, que vos seruiteurs de la
Religion en sentent les effets, que leur absolution, que leur vi-
ctoïre soit à la consolation de tous les vrais François: Qu'à cest
anchre de salut recourent les oppressez, & quelle demeure stable
pour l'heur de l'innocence, quel arrest esperé de vostre integrité
vole par l'vniuers, qu'on le recoïue avec allegresse, que plus cha-
cun l'admirera, plus il s'y conjoïde. Que ceux de la Religion
ayent encor obligation à vostre Maïesté, que de luy en faire vne
humble recognoissance, qui soit grauée plus dur qu'en marbre, ny
en cuire à l'eternité des siecles à venir, & luy puissent adresser
ceste Apostrophe, sortie autres-fois du style des Graces mesmes.

*Dijtibi, si qua pios respectant Numina si quid
Vsquam iustitia est, & meus sibi conscia recti
Perfoluant grates, & debita pramia reddant.*

F I N.















